

ZAKON O SLOBODNIM ZONAMA

("Službene novine Federacije B I H", broj 2/95, 37/04 i 43/04)

IZVOD

Slobodna zona je dio teritorije, odnosno carinskog područja Federacije Bosne i Hercegovine koji je posebno ograđen i označen i na kojem se obavljaju djelatnosti pod uvjetima propisanim ovim Zakonom (čl. 2.).

Korisnici slobodne zone mogu biti domaća i strana pravna i fizička lica.
Korisnik slobodne zone obavlja dozvoljenu djelatnost u zoni na osnovu ugovora sa zonom (čl. 5.).

Slobodnu zonu može osnovati jedno ili više pravnih lica (čl. 8.).

Strani korisnik slobodne zone može u zoni osnovati vlastitu ili mješovitu banku i osiguravajuću organizaciju, odnosno filijalu banke ili osiguravajuće organizacije u skladu sa posebnim propisima (čl. 7. stav 3).

Poslovanje u slobodnoj zoni pruža povoljnosti koje se posebno odnose na slijedeće:

1. Roba koja se uvozi, izvozi, prevozi i smješta u slobodnu zonu, podliježe prijavljivanju carinarnici, ali se na istu ne obračunavaju carine ni posebne dažbine i takse (čl. 15. i 20.).

2. Na izvoz i uvoz robe i usluga iz, i u slobodnu zonu, kao i privremeno upućivanje robe iz slobodne zone ne primjenjuju se privremene mjere i ograničenja iz zakona kojima se uređuju vanjskotrgovinski promet i devizno poslovanje u Federaciji Bosni i Hercegovini (čl. 17.).

3. Korisnici slobodne zone ne plaćaju poreze i doprinose, izuzev poreza i doprinosa iz plaća (čl. 22.).

4. Roba proizvedena ili oplemenjena u slobodnoj zoni može se staviti u promet na domaće tržište uz primjenu propisa o uvozu i poslije naplate carine i drugih uvoznih dažbina za uvozni sadržaj u toj robi (čl. 21.).

5. Izuzetno roba iz slobodne zone, koja se privremeno iznosi radi ispitivanja, atestiranja, popravke, predstavljanja na tržištu ili industrijskog oplemenjivanja, oslobođena je carine i drugih dažbina uz obavezu vraćanja najduže u roku do godine dana (čl. 16.).

6. U slobodnoj zoni obezbijedena je puna sloboda deviznog poslovanja (čl. 23. i 24.).

7. Sve izmjene i dopune prinudnih zakonskih propisa primjenjivaće se na korisnike slobodne zone samo ako su za njih povoljniji (čl. 28.).

Cijeni se da olakšice rada u slobodnoj zoni snižavaju troškove poslovanja i do 50 %.

-Ovaj zakon je stupio na snagu 17. februara 1995. godine.